



**Ташқи иқтисодий фаолият ва савдо статистикаси бўлими тўғрисида
НИЗОМ**

1-боб. Умумий қоидалар

1. Мазкур Низом Сирдарё вилояти статистика бошқармаси Ташқи иқтисодий фаолият ва савдо статистикаси бўлимининг (кейинги ўринларда Бўлим деб аталади) мақоми, асосий вазифалари ва функциялари хукуқ ва мажбуриятлари, шунингдек, унинг фаолиятини ташкил этиш тартибини белгилайди.

2. Бўлим Ўзбекистон Республикаси Президентининг 2017 йил 31 июлдаги “Ўзбекистон Республикаси Давлат статистика қўмитаси фаолиятини такомиллаштириш чора-тадбирлари тўғрисида”ги ПҚ-3165-сон қарорига мувофиқ ташкил этилган ва Сирдарё вилояти статистика бошқармаси (кейинги ўринларда Бошқарма деб аталади)нинг таркибий бўлими ҳисобланади.

3. Бўлим ўз фаолиятида Ўзбекистон Республикаси Конституциясига, Ўзбекистон Республикасининг “Давлат статистикаси тўғрисида”ги қонуни ва бошқа қонунларига, Олий Мажлиснинг норматив қарорларига, Ўзбекистон Республикаси Президенти фармонлари, қарорлари ва фармойишларига, Вазирлар Махкамаси қарорлари ва фармойишларига, “Ўзбекистон Республикаси Давлат статистика қўмитаси тўғрисида”ги Низомга, “Сирдарё вилояти статистика бошқармаси тўғрисида”ги Низомга ва мазкур Низомга, шунингдек бошқа қонун ҳужжатларига амал қиласди.

4. Бўлим Ташқи иқтисодий фаолият ва савдо бўйича статистика ишларини ташкил этиш фаолиятини Бошқарма таркибий бўлимлари, Жиззах шахри ва туман статистика бўлимлари (кейинги ўринларда шахар, туман статистика бўлимлари деб аталади) билан ўзаро ҳамкорликда амалга оширади.

5. Бўлим ўз фаолиятини Бошқарма бошлиғи раҳбарлигига амалга оширади.

Бўлим ўз ваколатига кирувчи масалалар бўйича Бошқарма бошлигининг биринчи ўринбосарига бўйсунади.

2-боб. Бўлимнинг вазифалари ва функциялари

6. Куйидагилар Бўлимнинг асосий вазифалари ҳисобланади:

а) ташқи иқтисодий фаолият ва савдо статистикаси соҳасидаги фаолиятни амалга ошириш, статистикани ташкил этишининг самарали тизимини таъминлаш, шунингдек фаолиятни мувофиқлаштириш ва функционал тартибга солиш соҳасида;

Ташқи иқтисодий фаолият ва савдо статистикаси маълумотларидан фойдаланувчиларнинг талабларини ўрганишни ҳисобга олган ҳолда истиқболли мақсадлар ва йўналишлар бўйича таклифлар бериб бориш;

Ташқи иқтисодий фаолият ва савдо статистикаси соҳаси бўйича таҳлилий салоҳиятни мустаҳкамлаш, Давлат статистика ишлари дастурининг мазмунини доимий равишда такомиллаштириш, унинг мамлакат ва худудларнинг ижтимоий-иқтисодий ривожланиши, таркибий ва бозор ислоҳотлари, иқтисодиёти тармоклари ва секторларида ислоҳотларнинг боришини тавсифловчи тегишли мақсадли кўрсаткичлар билан ўзаро боғлиқлигини ошириш бўйича таклифлар бери бориш;

ишлаб чиқиладиган норматив-ҳуқуқий ҳужжатлар лойиҳаларига Бўлим ваколати доирасидаги таклифлар ишлаб чиқишида иштирок этиш.

б) ижтимоий-иқтисодий ҳодисалар, жараёнлар ва уларнинг натижалари тўгрисидаги статистик ахборотларни йигиши, қайта ишлари, тўплаши, сақлаши, умумлаштириши, таҳлил қилиши ва эълон қилиши соҳасида:

Давлат статистика ишлари дастурининг ташқи иқтисодий фаолият ва савдо статистикасига оид қисмини бажарилишини таъминлаш;

ташқи иқтисодий фаолият ва савдо статистикаси соҳасига оид давлат статистика ҳисботларини электрон кўринишида, зарур ҳолларда қогоз кўринишида йигишини ташкил этиш;

ташқи иқтисодий фаолият ва савдо статистикаси бўйича статистик кўрсаткичларнинг статистик ҳисоб-китобларини амалга ошириш ҳамда дастлабки статистик таҳлилини олиб бориш;

ташқи иқтисодий фаолият ва савдо статистикаси бўйича статистик ҳисбот кўрсаткичларининг ва ўтказилган танланма кузатувлар натижаларининг тезкорлиги, ишончлилиги ва холислигини, статистик ахборотларнинг қулайлиги, очиқ-оидинлиги ва ошкоралигини кенгайтириш бўйича чора-тадбирларнинг амалга оширилишини таъминлаш;

ташқи иқтисодий фаолият ва савдо статистикаси бўйича статистик ишларни ташкил этишининг статистик ахборотларини йиғиши, қайта ишлари ва умумлаштириши тартибига давлат органлари ҳамда маҳаллий ижро ҳокимияти органларининг ҳар қандай аралашувини истисно қиласидиган тизимини яратиш чора-тадбирларини амалга ошириш;

хўжалик юритувчи субъектларга ташқи иқтисодий фаолият ва савдо статистикасига оид давлат статистика ҳисботи кўрсаткичларини ишончли тақдим этишида ҳар томонлама кўмаклашиш;

ташқи иқтисодий фаолият ва савдо статистикаси бўйича ахборот-статистик маълумотлар базасини шакллантириш, юритиш ва янгилаб боришини амалга ошириш, фойдаланувчиларга улардан фойдаланишга доир тушунтиришлар бериш;

олинган статистика маълумотларининг махфийлигини, бирламчи ҳисбот маълумотларидан юридик шахсларнинг фаолиятини, бошқа хусусиятларини ёки миқдор кўрсаткичларини расмий тасдиқлаш мақсадида фойдаланишга йўл кўймасликни, давлат сирларига эга бўлган статистика маълумотларининг ҳимоя қилининин таъминлаш;

конунчиликка мувофик, Бўлим иш фаолияти жараёнида вужудга келган архив хужжатларини саралаш, саклаш, ҳисобга олиш ва улардан фойдаланиш бўйича ишларни амалга ошириш;

ташқи иқтисодий фаолият ва савдо статистикаси соҳасига оид маҳфий статистик маълумотларни ўз ичига олган ахборотларни саклаш ва ҳимоялашнинг тегишли тартибини таъминлаш.

в) белгиланган тартибда давлат органлари, юридик шахслар ва аҳолини ташқи иқтисодий фаолият ва савдо статистикасига оид маълумотлар билан таъминлаш соҳасида:

Ўзбекистон Республикаси Президенти ва Ўзбекистон Республикаси Вазирлар Маҳкамаси томонидан қабул қилинган қарорлари ижроси юзасидан Бўлим ваколати доирасида йиллик ва чораклик статистик ҳамда таҳлилий материалларни тайёрлашда иштирок этиш;

ташқи иқтисодий фаолият ва савдо статистикаси бўйича очик статистик маълумотларни давлат статистика органлари, давлат органлари нашрларида жойлаштириш учун ва барча фойдаланувчиларга статистик маълумотлардан фойдаланиш учун кенг имкониятлар яратилишини таъминлаш;

оммавий ахборот воситаларида жойлаштириш учун ташқи иқтисодий фаолият ва савдо статистикаси соҳасида юз бераётган ўзгаришларни ифодаловчи таҳлилий маълумотлар, диаграммалар, графиклар ва пресс-релизлар тайёрлаш;

ташқи иқтисодий фаолият ва савдо статистикасига оид статистик кузатувлар ва расмий статистик маълумотларни тарқатиш бўйича ташкил этиладиган ахборот-тушунтириш ишларида иштирок этиш.

7. Бўлим ўз зиммасига юкланган вазифаларни бажариш учун қуидаги функцияларни амалга оширади:

фойдаланувчиларнинг вилоят даражасида ташқи иқтисодий фаолият ва савдо соҳасини тўлиқ очиб берувчи кўрсаткичлардан эркин фойдаланишларини таъминлайди;

ташқи иқтисодий фаолият ва савдо статистикаси амалиётига замонавий ахборот-коммуникация ресурслари ва технологияларини жорий этишни амалга оширишда иштирок этади;

замонавий ахборот технологияларидан фойдаланган ҳолда, ташқи иқтисодий фаолият ва савдо соҳаси бўйича асосий статистик кўрсаткичларнинг такомиллаштирилган маълумотлар базасинининг яратилиши ва юритилишини, унинг мунтазам равишда тўлдирилиб ва янгиланиб борилишини таъминлайди;

ташқи иқтисодий фаолият ва савдо статистикаси бўйича ахборотлардан фойдаланувчиларга реал вакт режимида кўрсаткичлардан эркин фойдаланиш имкоинин берувчи статистик маълумотлар базасини ишлаб чиқишда ва юритишида иштирок этади;

ташқи иқтисодий фаолият ва савдо соҳаси бўйича давлат статистика кузатуви шаклларини электрон шаклда тақдим этиш ва электрон хужжат айланиши тизимини жорий қилиш ишларини ташкил этади;

Бўлимнинг иш усуллари ва шаклларини янада такомиллаштириш, фуқаролар ва юридик шахслар мурожаатларига ўз вақтида муносабат билдириш, ходимларнинг юклатилган вазифаларни ўз вақтида ва сифатли бажарилиши учун шахсий масъулиятларини ошириш соҳасида:

Давлат статистика ишлари дастурига мувофик, Бошқарма раҳбарияти топшириғига асосан ташқи иқтисодий фаолият ва савдо статистикаси бўйича маълумотлар тайёрлайди;

Бўлим ўзига юклатилган вазифалар ва функцияларни тўлиқ, ўз вақтида ва сифатли бажарилишини Ўзбекистон Республикаси Президенти ва Вазирлар Мажхамаси томонидан белгиланган иқтисодиётнинг энг мухим устивор йўналишларини, Ўзбекистон Республикасини янада ривожлантириш бўйича Ҳаракатлар стратегиясини, иқтисодий ислоҳотларни янада чукурлаштириш, таркибий ўзгартириш ва диверсификация қилиш бўйича ишлаб чиқилган дастурларда белгиланган вазифаларни вилоятнинг ижтимоий ва иқтисодий ривожланишнинг тенденциясини (ҳолатини) ҳисобга олган ҳолда таъминлайди.

Бўлим белгиланган тартибда ўзига юклangan бошқа функцияларни ҳам бажаради.

3-боб. Бўлимнинг ҳуқуқлари ва жавобгарлиги

8. Бўлим ўзига юклangan вазифалар ва функцияларни бажариш учун қуидаги ҳуқукларга эга:

ташқи иқтисодий фаолият ва савдо статистикаси соҳасига оид давлат статистика кузатуви шаклларини ўзгартириш ва уларни тақдим этиш тартиби, давлат статистика кузатувларини ўтказиш усуллари, давлат ва хўжалик бошқаруви органларининг идоравий статистик кузатув шакллари бўйича таклифлар бериш;

статистика мақсадларида давлат ва хўжалик бошқаруви органлари, фуқароларнинг ўзини ўзи бошқариш органлари ва бошқа юридик шахслардан (зарурат бўлганда уларнинг ваколатхона ва филиалларидан) белгиланган тартибда давлат статистика ҳисботини олиш ҳамда ундан статистика мақсадларида фойдаланиш;

ташқи иқтисодий фаолият ва савдо статистикаси бўйича юридик ва жисмоний шахсларнинг, шу жумладан, хусусий тадбиркорлар фаолиятининг давлат статистика кузатувларини олиб бориш ва олинган маълумотлардан статистика мақсадларида фойдаланиш;

Бўлимга юклangan вазифалар, функциялар ва статистик ишларни бажариш мақсадида ташкилотлардан белгиланган тартибда маълумот ва тушунтиришлар олиш;

ташқи иқтисодий фаолият ва савдо статистикаси бўйича маълумот ва кўрсаткичлардан ноўрин фойдаланиш ва уларга нотўғри шарҳ бериш ҳолатларини кўриб чиқиш ва улар юзасидан тушунтириш бериш;

давлат статистика маълумотларида бузилишилар аниқланган тақдирда, уларни бартараф этиш тўғрисида кўрсатмалар бериш ва йигма давлат статистика маълумотларига тегишли тузатишлар киритиш;

ташики иқтисодий фаолият ва савдо статистикаси кузатувларини ташкил этиш ва методологиясини такомиллаштириш бўйича Бошқарма раҳбариятига таклифлар киритиши;

9. Бўлим қўйидагилар учун жавобгар:

ўзига юкланган вазифаларни самарали ва лозим даражада бажариш;

ваколатига кирувчи таҳлилий ва бошқа материалларни юқори даражада тайёрлаш;

давлат статистикаси принципларига амал қилиш;

Бўлим ходимлари томонидан белгиланган норматив-хукукий хужжатларга мувофиқ ижро интизомини таъминлаш.

4-боб. Бўлимнинг фаолиятини ташкил этиш

10. Бўлимнинг иши Ўзбекистон Республикасининг “Давлат статистикаси тўғрисида”ги қонуни, Вазирлар Маҳкамаси томонидан тасдиқланадиган Давлат статистика ишлари дастури, Давлат статистика қўмитаси томонидан тасдиқланадиган Давлат статистика ишларини ишлаб чиқиши дастури, Ўзбекистон Республикаси Давлат статистика қўмитаси тўғрисида низом, Жиззах вилояти статистика бошқармаси тўғрисида Низом, мазкур Низом, Давлат статистика қўмитаси раисининг бўйруқлари ва топшириклирга мувофиқ, шунингдек Давлат статистика қўмитасининг иш режалари, Бўлим ходимларининг функционал вазифалари асосида ташкил этилади.

Ходимларнинг функционал вазифалари Бўлим бошлиги томонидан юкланган вазифалардан келиб чиқсан ҳолда тайёрланади ва Бошқарма бошлиги томонидан тасдиқланади.

Танимдим : К. Юсупов *Юсуф*

Танимдим : В. Алимгулов *Алимурод*